



07543



封建考六

秦楚之際諸侯王

秦制侯以下二十等爵罷封建

秦制爵二十等以賞功二十徹侯

徹侯金印紫綬功大者食縣小者食鄉亭

得臣其所食吏民後避漢武帝諱乃改曰通侯或曰列侯

十九關內侯居京畿無國

侯無土寄食在所縣民租多少各有戶數為限如淳釋曰列侯出關就國但爵其身有家累者與之關內之邑

食其租稅又有倫侯建成侯越亥武信侯馮無擇是也

但有封名十八大庶長劉昭曰自左庶長以上至大庶長而無食邑

文獻通考

卷一百一十五

封建

一

以為大庶長即大將軍也左右庶長即左右偏裨也

十七駟車庶長

言乘駟馬之車而為眾庶

長十六大上造言皆主上

十五少上造十四右更

言主

率部其役事

十三中更十二左更十一右庶長

言為眾列之長

庶長九五大夫

大夫之尊者也劉昭曰自公七至五大夫皆軍吏也

八公乘

言得乘公

家之車也劉昭曰自吏民爵不得過公乘則公乘者得賞與子君若同產然則公乘者軍吏之爵最尊者

公大夫

與下

六官大夫加官者示稍尊也

五大夫

列位從大

四不更

言不預更率之事

三簪褭

以組帶馬口褭簪褭者主飾此馬

二上造

造成也言有成命於上

一公士

言有爵命異於士卒劉昭曰步卒之間權設班寵有加賜邑君者蓋假其位號或空受其

爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後

項梁為武信君陳餘為安君李左車為廣武君之類

是也至漢倫多蓋封爵之外別加美號也

秦爵二十等起於孝公之時商鞅立此法以賞戰功按古之所謂爵者皆與之以土地如公侯伯子男以至附庸及孤卿大夫亦俱有世食祿邑若秦法則惟徹侯有地關內侯則虛名而已庶長以下不論也始皇遣王翦擊楚翦請美田宅甚衆曰爲大王將有功終不得封侯然則秦雖有徹侯之爵而受封者蓋少考之於史惟商鞅封商於魏冉封穰侯范雎封應侯呂不韋封文信侯嫪毐封長信侯及始皇旣稱皇帝東游海上至琅琊羣臣議頌功德惟列侯武成侯王離通武侯王賁倫侯索隱曰爵卑於列侯無封邑者倫類也亦列侯之類建成侯趙亥倫侯昌武侯成倫侯武信侯馮無擇如是者不數人而已然鞅冉不韋毒皆身坐誅廢雖幸善終而亦未聞傳世王離以下俱無聞焉蓋秦之法未嘗以土地予人以待李斯建議而後始罷封建也

始皇二十六年王初并天下丞相王綰等言諸侯初破燕齊荆地遠不爲置王毋以填之請立諸子始皇下其議羣臣羣臣皆以爲便廷尉李斯議曰周文武所封子弟同姓甚衆然後屬族疏遠相攻擊如仇讎周天子弗

文獻通考

卷五

封建

二

能禁止今海內賴陛下神靈一統皆爲郡縣諸子功臣以公賦稅重賞賜之甚足易制天下無異意則安寧之術也置諸侯不便始皇曰天下共苦戰鬪不休以有侯王賴宗廟天下初定又復立國是樹兵也而求其寧息豈不難哉廷尉議是分天下爲三十六郡郡置守尉監秦旣并天下丞相綰請分王諸子廷尉斯請罷封建置郡縣始皇從之自是諸儒之論封建郡縣者歷千百年而未有定說其論之最精者如陸士衡曹元首則主綰者也李百藥柳宗元則主斯者也已二說互相排詆而其所發明者不過公與私而已

文獻通考

卷五十五

封建

三

曹與陸之說曰唐虞三代公天下以封建諸侯故享祚長秦私天下以爲郡縣故傳代促柳則反之曰秦公天下者也眉山蘇氏又從而助之曰封建者爭之端亂之始篡殺之禍莫不由之李斯之論當爲萬世法而世之醇儒力詆之以爲二氏以反理之評詭道之辨而妄議聖人然則後之立論者宜何從以封建爲非邪是帝王之法所以禍天下後世也以封建爲是邪則柳蘇二子之論其剖析利害指陳得失莫不切當不可廢也愚嘗因諸家公私之論而折衷之曰封建郡縣皆所以分土治

人未容遽曰此公而彼私也然必有公天下之心然後能行封建否則莫如郡縣無公天下之心而欲行封建是授之以亂作之具也嗚呼封建之難行久矣蓋其弊不特見於周秦之際而已見於三代之初何也昔者唐虞之世建國至衆也天子巡狩而諸侯述職然後數納以言明試以功車服以庸書之所載如此而已不聞其爭土地以相侵伐于王略以勤六師也舜之時蠻夷嘗猾夏矣而命臯陶以修五刑五流之法有苗嘗弗率矣雖命禹以徂征卒之以舞干羽而格則是亦不戰而屈之

也夫蠻夷有苗皆要荒之外王政所不加者也而士師足以治之不戰足以服之則當時四岳十二牧所統之國其謹侯度以奉其上而不勤征討也審矣又安得如柳氏所謂羣之分其爭必大大而後有兵如蘇氏所謂爭之端而亂之始乎所以然者何也則堯舜公天下之心有以服之也蓋堯在位七十載詢於衆庶以帝位授之舜舜在位三十有三載詢於衆庶以帝位授之禹而當時之衆建諸侯也有德者爵之功加於民者爵之堯舜無容心也居天下之上而與天下之賢且能者分治之

逮其倦勤則必求天下之有聖德者而禪之夫惟天子不以天下自私而後諸侯不敢以其國自私是以雖有土地之廣人民之衆甲兵之強其勢足以爲亂而莫不帖服於其下如臂指之相使以爲當然是則唐虞以公天下之心行封建而當時封建所以無敵也蓋家天下自夏始大封同姓而命之曰藩屏王室自周始二者皆聖人隨時制變以綱維斯世未容以私議之也然上視堯舜則少褊矣故封建之敝始於夏而成於周是以禹一傳而啓有有扈氏之征再傳而仲康有羲和之征夫以

文獻通考

卷一百一十五

封建

五

天子而征諸侯諸侯弗率而上干天子之征禹之前無有也而始於有扈夫有扈之罪曰威侮五行怠棄三正而已羲和之罪曰沈湎於酒畔官離次而已二罪者以法議之則誅止其身而二人生於漢世則一廷尉足以定其罪矣而啓與仲康必命六師以征之者則必恃其土地甲兵不卽引咎而悍然以抗其上矣書紀其事曰大戰曰徂征而觀其誓師之辭有不用命之戮焉有愛克厥威之戒焉殲渠魁釋脅從之令焉則兵師之間所傷衆矣夫治一人之罪而至於興師使無辜之人受用兵

之禍則封建之敝也故曰已見於三代之初此之謂也夫有扈羲和之罪雖王政所必討而比之猾夏則有閒矣舜之時士師明刑足以正蠻夷猾夏之罪而啓少康之時非天子總六師不足以治諸侯怠慢沈湎之過則可以見當時諸侯擅其富強非文告刑禁之所能詰也自是而後天子私其天位而世守之諸侯亦私其國之土地甲兵而擅用之幸而遇賢聖之君德足以懷而威足以制則猶可攝服而其中衰之際人心未離而諸侯先叛之至於周列五等邦羣后雖曰親賢竝建而終不以

文獻通考

卷一百一十五

封建

六

異姓先諸姬文昭武穆之封徧於天下封建之法

益詳經制益密而示人益褊矣是以夏商有國數

百年苟未至於桀紂之暴猶足以制宇內而朝諸

侯而周數傳而後卽有末大不掉之憂故景王之

責晉曰文武成康之建母弟以藩屏王室亦其廢

隊是爲豈如弁髦而因以敝之而李斯之說亦曰

周文武所封子弟同姓甚衆然後屬疏遠相攻擊

如仇讎周天子弗能禁也然則其效可覩矣蓋時

不唐虞君不堯舜終不可復行封建謂郡縣之法

出於秦而必欲易之者則書生不識變之論也夫

置千人於聚貨之區授之以挺與刃而欲其不爲
奪攘矯虔則爲之主者必有伯夷之廉伊尹之義
使之靡然潛消其不肖之心而後可苟非其人則
不若藏挺與刃嚴其檢制而使之不得以逞此後
世封建之所以不可行而郡縣所以爲良法也而
王綰淳于生之徒乃欲以三代不能無敵之法使
始皇行之是教盜蹠假其徒以利器而與之共處
也則亦不終日而刃劓四起矣或曰禹之傳子周
之封同姓皆聖人之經制也而子顧妄議其私天
下而以爲劣於唐虞何哉曰世之不古久矣聖人
不能違時不容復以上古之法治之也而世固不
能知聖人之心也記曰有虞氏未施信於民而民
信之夏后氏未施敬於民而民敬之殷人作誓而
民始畔周人作會而民始疑然則殷周豈果劣於
虞夏乎而或畔或疑起於誓會者以時人之不皆
聖人也禮運載夫子言大道之行天下爲公選賢
與能講信修睦而繼之以謀閉而不興盜竊亂賊
而不作以爲大同大道旣隱天下爲家各親其親
各子其子而繼之以謀用是作而兵由此起禹湯
文武成王周公由此其選以爲小康然則官天下

與家天下者其規模之廣隘治效之優劣雖聖人不能比而同之矣萬章曰人有言至於禹而德衰不傳於賢而傳於子而孟子累數百言辨之以爲皆天也然則知禹之傳子非私者千載而下一孟子而已豈可復望之當時諸侯乎世本稱有扈氏以堯舜傳賢而禹傳啓故啓立而不服遂征之然則非愚之臆說也或曰子謂唐虞以前諸侯無戰歟既取其事列於封建之前則與此論自爲抵牾矣曰黃帝紀乃太史公取傳記百家之言孔子定書斷自唐虞三皇之事若亡若存傳記所載姑采之以廣異聞耳至於立論當以六經所取爲斷

秦楚之際起兵自立者凡六國

文獻通考

卷五十五

封建

八

楚 陳勝陽城人爲閭左戍屯長屯大澤鄉二世元年

七月起兵於蕪據陳自立爲王號張楚至二年十二月

兵敗其御莊賈殺陳王以降自起兵至亡凡六月秦以

十月爲歲首二年十二月乃建亥之三月也 襄彊陳

涉旣起兵令持離人葛嬰徇地時楚兵數千人爲聚者

不可勝數嬰至東城立彊爲楚後聞陳王已立因殺襄

彊 景駒陳王初立時陳人秦嘉等皆特起將兵圍東

海州今海自爲大司馬二世二年正月嘉聞陳王兵破出

走乃立景駒爲楚王引兵之方與兗州立月項梁擊秦

嘉嘉軍敗死景駒走死梁地 義帝秦二世二年三月

范增說項梁立楚後梁求得楚懷王孫心於民間六月立以爲楚懷王都盱眙漢王九年正月項羽尊懷王爲義帝徙於江南都郴二年項羽密使九江衡山臨江王擊義帝殺之江中自立至弑凡二年零四月

趙 武臣陳人爲陳王將軍將兵徇趙下趙七十餘城二世八月自立爲趙王二年十一月其將李良襲邯鄲殺趙王自立至亡凡五月 趙王歇李良旣殺武臣張耳陳餘收趙散兵擊良敗之二世二年春正月耳餘立歇爲趙王漢元年項羽徙歇爲代王以張耳爲常山王分趙爲二陳餘擊耳耳敗走歸漢迎趙王於代復爲趙

文獻通考

卷之三

封建

九

王漢三年韓信張耳擊趙禽王歇自立至亡凡三年零九月

燕 韓廣趙人爲趙王武臣將兵徇燕二世元年九月至薊自立爲燕王漢王元年正月項羽分燕爲二徙廣爲遼東王都無終以臧荼爲燕王廣不肯徙臧荼殺廣併其地自立至亡凡二年零十一月

齊 田儋故齊王族二世元年九月陳王令將周市徇地王狄儋因殺狄令自立爲齊王發兵擊周市市還二年六月章邯擊魏儋救魏邯大破齊魏軍殺儋田榮收儋餘兵走東阿齊人立故齊王建弟假爲王榮逐假立

儋子市爲王漢王元年正月項羽分齊爲三徙市爲膠東王都卽墨六月田榮殺市而自立并取三齊之地二年項王北擊齊齊王榮戰敗死項王復立田假爲齊王榮弟橫立榮子廣爲王攻田假假走死橫復定三齊之地四年韓信襲破齊虜王廣自儋至廣凡四傳共六年魏甯陵君咎本魏公子在陳二世元年九月陳王將周市徇地至魏魏地已定乃迎咎於陳立爲魏王二年六月章邯擊破魏咎自殺其弟豹亡走楚楚懷王與豹兵復徇魏地九月豹自立爲王都平陽漢王元年正月項羽自取梁地徙豹爲西魏王王河東二年八月韓信

文獻通考

卷一百一十五

封建

十

擊魏虜豹凡二傳四年

韓橫陽君成本韓諸公子二世二年六月項梁已立楚懷王張良說梁立韓後謂成最賢乃立爲韓王西略韓地得數城漢王元年十月從項羽略地入關二年羽分韓爲河南令韓王成因故都都陽翟羽以韓王成無功故不遣之國與俱至彭城廢以爲穰侯已又殺之自立至亡凡三年

項王所立諸侯王凡十四國

楚漢元年正月項羽分天下王諸將自立爲西楚霸

王王梁楚地九郡都彭城五年十二月漢滅之自立至

滅凡四年

雍 秦將章邯降項羽羽立爲雍王王咸陽以西都廢
邱漢二年二月漢王取雍地殺邯自立至亡凡一年零
五月

塞 秦長史司馬欣故爲櫟陽獄掾嘗有德於項梁故
羽立爲塞王王咸陽以東至河都櫟陽漢元年八月漢
王襲雍遣諸將略地塞王欣降自立至亡凡七月

翟 秦都尉董翳本勸章邯降楚故羽立翳爲翟王王
上郡都高奴漢元年八月漢王遣兵至咸陽翟王翳降
自立至亡凡七月

文獻通考

卷一百一十五

封建

十一

河南 瑕邱申陽者張耳嬖臣也先下河南郡迎楚河
上故羽分韓地立申陽爲河南王都洛陽漢二年十月
河南王申陽降漢爲河南郡自立至亡凡九月

殷 趙將司馬卬定河南數有功故羽立卬爲殷王王
河內都朝歌二年春三月漢王自臨晉渡河取魏將兵
從下河內虜殷王卬置河內郡自立至亡凡十四月

常山 羽以趙相張耳素賢從入關故立耳爲常山王

王趙地治襄國漢二年十月陳餘以趙兵與齊共襲常

山王張耳敗走歸漢自立至敗凡九月

後漢以耳爲趙王

九江 當陽君黥布爲楚將常冠軍故羽立布爲九江

王都六漢三年十一月使謁者隨何說布叛楚間行歸漢楚收九江兵殺布妻子自立至歸漢凡一年零十月衡山 番君吳芮率百越佐諸侯又從入關故羽立芮爲衡山王都邾項籍死高祖以芮將梅鋗有功從入武關故德芮徙爲長沙王都臨湘一年薨諡文王 成王臣 哀王回 共王右 靖王差孝文後七年薨無子國除凡五傳共五十年

臨江 義帝柱國共敖將兵擊南郡功多故羽立敖爲臨江王都江陵漢三年八月薨子尉嗣五年漢既定天下尉不降遣盧綰劉賈擊虜尉凡再傳共五年

文獻通考

卷一百一十五

封建

十一

燕 燕將臧荼從楚救趙因從入關故羽立荼爲燕王都薊五年漢既誅項籍荼反使盧綰劉賈擊荼取燕自立至亡凡五年

齊 齊將田都從楚救趙因從入關故羽立都爲齊王都臨菑五月田榮發兵距擊田都都亡走楚榮取齊地爲王自立至亡凡五月

濟北 羽方渡河救趙田安下濟北數城引其兵降羽故立安爲濟北王都博陽六月田榮遣彭越擊殺安并其地自立至亡凡六月

韓 項羽既殺韓王成以故吳令鄭昌爲韓王時漢元

年八月也二年十月漢以韓襄王孫信爲韓太尉將兵略韓地擊韓王昌於陽城昌降自立至亡凡三月

西漢異姓諸侯王

高帝所立異姓諸侯王凡八國

韓 二年漢旣取韓王昌地十一月立韓襄王孫信爲韓王常將韓兵從漢王五年與信剖符王潁川六年更以太原郡爲韓國徙信以備胡信請治馬邑從之秋匈奴入寇信以馬邑降匈奴七 years 上自擊破之信亡走匈奴自立至亡凡五年

趙 常山王張耳爲陳餘所擊敗走歸漢四年十一月

文獻通考

卷一百一十五

封建

三

立耳爲趙王五年薨諡景王子敖嗣九年坐貫高反降爲宣平侯凡再傳六年

淮南 九江王英布叛楚歸漢楚收其兵取其地四年七月立布爲淮南王都六十一年夏謀反兵敗滅自立至亡凡八年

齊 韓信旣取齊請爲假王四年春二月立信爲齊王五年平項籍徙信爲楚王都下邳六年人言信謀反執之降爲淮陰侯復坐誅自立至執凡二年

梁 彭越爲梁相國定梁地漢五年以睢陽以北至穀城封越爲梁王都定陶十一年人告越反廢爲庶人後

誅之自立至亡凡六年

燕 盧縮從擊項籍籍亡擊燕王臧櫟破之五年九月
立縮爲燕王十二年縮反亡入匈奴自立至亡凡七年
閩越 漢五年以閩越王無諸身帥閩中兵以佐滅秦
封爲閩越王王閩中地傳郢 丑 餘善武帝元封元
年餘善反漢遣兵誅之取其地自受漢封至亡凡四傳
九十二年

南粵 漢十一年遣陸賈立南海尉趙佗爲南粵王與
剖符通使使和輯百粵傳胡 嬰齊 興 建德武帝

元鼎六年粵相呂嘉以粵反漢遣兵擊滅之自受漢封

文獻通考

卷一百一十五

封建

十四

至亡凡五傳八十五年

呂后立異姓呂氏王及所名孝惠子王凡八國

呂 周呂侯呂澤以客從高祖定三秦子台嗣爲侯高
后元年以兄子呂台爲呂王割齊濟南郡爲呂王奉邑
二年薨子嘉嗣六年坐驕恣廢自立至廢再傳凡六年
梁 高后稱制六年以呂台弟浞侯產爲呂王七年徙
爲梁王八年呂后崩作亂周勃等誅之自立至誅凡三
年

趙 高后稱制七年以建城侯呂釋之子祿爲趙王八

年呂后崩作亂周勃等誅之自立至誅凡二年

燕 高后稱制八年冬十月立呂肅王子東平侯通爲
燕王其年九月呂后崩諸呂謀亂坐誅

淮陽 高后稱制元年立所名孝惠子強爲淮陽王如淳

曰外戚恩澤侯表言 強等皆呂氏之子也 五年強薨諡曰懷以壺關侯武爲

淮陽王八年高后崩大臣誅諸呂立文帝武坐非孝惠

子誅自立至誅凡再傳八年

恆山 高后稱制元年立所名孝惠子不疑爲恆山王

二年不疑薨諡曰哀更立襄城侯山爲恆山王更名義

四年以恆山王爲帝更名弘以軹侯朝爲恆山王武弘朝亦

所立名孝惠子先封侯 八年高后崩文帝立坐非孝惠子誅自立

文獻通考 卷一百一十五 封建 五

至誅凡三傳八年

濟川 高后稱制七年七月立所名孝惠子平昌侯太

爲濟川王八年九月文帝卽位坐非孝惠子誅

按呂后勦除高皇側室之子三趙王皆不得其死

齊代僅免而獨以其外孫張后之故取他人子名

爲孝惠子嗣帝位者二人封王者五人何其多也

然少帝稍長則銜殺母之冤坐廢以死強不疑亦

皆夭折弘朝武太皆見誅於事久論定之後所謂

非所據而據焉不有天刑必有人禍竟何益哉

魯 高后稱制元年封魯元公主子張偃爲魯王八年

誅諸呂坐廢爲侯自立至廢凡八年

漢初諸侯王其顛末見於太史公秦楚之際月表及班孟堅異姓諸侯王表然有自立者陳涉武臣之徒是也有爲項王所立者三秦常山九江之類是也有高帝所立者韓彭之徒是也有呂后所立者祿產及所名孝惠子是也楚一也而有陳涉焉有襄疆景駒焉有懷王焉有項羽焉有韓信焉蓋八年之間楚凡五易姓也趙一也而有武臣焉有趙歇焉有張耳焉有呂祿焉蓋二十九年之間趙凡四易姓也燕一也而有韓廣焉有臧荼焉有盧

文獻通考

卷五

封建

六

縮焉有呂通焉蓋三十年之間燕凡四易姓也韓一也而有韓成焉有鄭昌焉有韓信焉蓋四年之間韓凡三易姓也馬班二表只以各國譜其年世而於其受封之異易姓之殊稍欠分別故今敘秦楚之際自立者六國項王所立者十四國高帝所立者八國呂后所立者八國而於五楚四燕四趙三韓敘其受封之本而各稽其興廢之歲月焉又有亡而復封者如張耳項羽初封爲常山王後失國漢再封爲趙王英布項羽初封爲九江王後失國漢再封爲淮南王蓋人同而國異凡再受封故

亦分而二之至吳芮之自衡山王爲長沙王韓信
之自齊王爲楚王則元未嘗失國再封不過遷徙
故不復再著云

西漢同姓皇子諸侯王

高祖昆弟子孫爲王者凡二十國

楚 元王交高祖同父少弟從帝起兵入武關六年旣
廢楚王信分其地爲二國封交爲楚王王薛郡東海彭
城三十六縣立二十三年薨夷王郢客嗣四年薨子王
戊嗣立二十一年謀反兵敗自殺景帝立宗正平陸侯
禮元王寵子奉元王後是爲文王三年薨子安王道嗣二十
文獻通考 卷一百五 封建 七
二年薨子襄王注嗣十四年薨子節王純嗣十六年薨
子延壽嗣立三十二年有罪自殺國除楚凡八傳一百
三十五年

代 高祖兄仲六年以雲中鴈門代郡五十三縣封爲
代王七年爲匈奴所攻棄國自歸廢爲郃陽侯子溲黥
布反時以沛侯爲騎將從破布軍乃立溲爲吳王王東
陽章郡吳郡三郡五十三城景帝三年謀反兵敗死國
除代二年吳四十二年

齊 悼惠王肥高祖微時外婦之子六年以七十城封
肥爲齊王立十三年薨子哀王襄嗣立十一年薨子文

王則嗣立十四年薨無子文帝憐悼惠王適嗣乏絕乃分齊爲六國盡立前所封悼惠王子列侯見在者六人爲王楊虛侯將閭爲齊王立十一年吳楚反坐陰通謀自殺諡孝王景帝愍其無罪後封其太子壽是爲懿王二十三年薨子厲王次昌立四年爲主父偃所搆自殺無子國除齊凡六傳七十六年

城陽 景王章悼惠王子也以朱虛侯入宿衛孝文二年以誅諸呂功割齊一郡封章爲城陽王二年薨子共王喜立三十三年薨子項王延立二十六年薨子敬王義嗣九年薨子惠王武立十一年薨子荒王順立四十年薨子載王恢嗣八年薨子孝王景嗣二十四年薨子哀王雲嗣一年薨無子國絕成帝復封雲兄俚爲城陽王王莽時絕城陽凡十傳一百八十六年

濟北 東牟侯興居齊悼惠王子高后時入宿衛與大

臣迎立文帝二年割齊一郡封興居爲濟北王三年謀反兵敗自殺上憫濟北王逆亂自滅十五年分齊爲六國盡封悼惠王諸子復以安都侯志爲濟北王

亦悼惠王子

復徙王菑川地比齊志立三十六年薨諡懿王子靖王建嗣二十年薨子項王遺嗣三十五年薨子思王終古嗣二十八年薨子考王尙嗣五年薨子孝王橫嗣三十

一年薨子懷王交嗣六年薨子永嗣王莽時絕濟北興
居一年懿王志以下八傳一百七十四年

濟南 劫侯辟光齊悼惠王子孝文十五年分王濟南

孝景三年同吳楚反坐誅國除凡十一年

菑川 武城侯賢齊悼惠王子孝文十五年分王菑川

孝景三年同吳楚反坐誅國除凡十一年

膠東 白石侯雄渠齊悼惠王子孝文十五年分王膠

東孝景三年同吳楚反坐誅國除凡十一年

膠西 平昌侯卬齊悼惠王子孝文十五年分王膠西

孝景三年同吳楚反坐誅國除凡十一年

文獻通考

卷一百一十五

封建

充

班固贊曰悼惠之王齊最為大國以海內初定子

弟少懲秦孤立無藩輔故大封同姓以鎮天下時

諸侯得自除御史大夫羣卿以下衆官如漢朝漢

獨為置丞相自吳楚誅後稍奪諸侯權左官附益

阿黨之法設

張晏曰諸侯有罪傅相不舉奏為阿黨師古曰皆新制律令之條也左官

解在諸侯王表附益言欲增益諸侯王也

其後諸侯唯得衣食租稅貧

者或乘牛車

文帝六年梁太傅賈誼上疏曰夫樹國必相疑之勢

下數被其殃上數爽其憂甚非所以安上而全下也

今或親弟謀為東帝親兄之子西鄉而擊今吳又見

告矣天子春秋鼎盛行義未過德澤有加焉猶尙如是況莫大諸侯權力且十此者乎然而天下少安何也大國之王幼弱未壯漢之所置傅相方握其事數年之後諸侯之王大抵皆冠血氣方剛漢之傅相稱病而賜罷彼自丞尉以上徧置私人如此有異淮南濟北之爲耶此時而欲爲治安雖堯舜不治黃帝曰日中必昃操刀必割今令此道順而全安甚易不肯早爲已乃墮骨肉之屬而抗到之豈有異秦之季世乎其異姓負強而動者漢已幸而勝之矣又不易其所以然同姓襲是跡而動既有徵矣其勢盡又復然

文獻通考

卷一百一十五

封建

十

殃禍之變未知所移明帝處之尙不能以安後世將如之何臣竊跡前事大抵强者先反長沙乃二萬五千戶耳功少而最完勢疏而最忠非獨性異人也亦形勢然也曩令樊鄴絳灌據數十城而王今雖以殘亡可也令信越之倫列爲徹侯而居雖至今存可也然則天下之大計可知已欲諸王之皆忠附則莫若令如長沙王欲臣子勿蒞醢則莫若令如樊鄴等欲天下之治安莫若衆建諸侯而少其力力少則易使國小則亡邪心令海內之勢如身之使臂臂之使指莫不制從諸侯之君不敢有異心輻湊竝進而歸命

天子割地定制令齊趙楚各爲若干國使悼惠王幽
王元王之子孫畢以次各受祖之分地地盡而止其
分地衆而子孫少者建以爲國空而置之須其子孫
生者舉使君之一寸之地一人之衆天子無所利焉
誠以定治而已如此則臥赤子天下之上而安植遺
腹朝委裘而天下不亂當時大治後世頌聖陛下誰
憚而久不爲此天下之勢方病大瘡一脛之大幾如
腰一指之大幾如股平居不可屈伸一二指搗身慮
亡聊失今不治必爲痼疾後雖有扁鵲不能爲已病
非徒瘡也又苦蹠齧元王之子帝之從弟也今之王
者從弟之子也惠王之子親兄子也今之王者兄子
之子也親者或無分地以安天下疏者或制大權以
偏天子臣故曰非病瘡也又苦蹠齧可痛哭者此病
是也

文獻通考

卷一百一十五

封建

五

按孝文之時山東之國齊七十二城楚四十城吳
五十城鼂錯所謂封三庶孽分天下半是也三國
之中齊爲尤大悼惠王復子多而材呂氏之亂哀
王襄欲舉兵西向則關中爲之震恐且有自帝之
謀其弟朱虛東牟且將爲內應幸諸呂已誅文帝
正位而其謀遂寢然則帝卽位之後諸侯之勢疏

而逼地大而可忌者莫如齊吳楚而齊尤甚帝之
慮豈不及此故雖盡復呂后所奪齊地而卽割其
二郡以王城陽濟北逮濟北以搆逆誅文王絕世
則盡以齊地分王悼惠之六子卽賈誼所謂各受
其祖之分地地盡而止天子無所利焉者也及孝
景之時吳楚爲逆悼惠王之子孫所謂六王者皆
預其謀然俱以國小兵弱故齊與濟北雖預密謀
而終不敢發膠東膠西濟南菑川僅能出兵圍齊
及漢兵出則各已潰散吳楚旣無鉅援宜其速敗
使齊地不早分以一壯王全據七十二城之甲兵

文獻通考

卷一百一十五

封建

三

與吳楚合從西向漢之憂未艾也孰謂諠言不見
用而文帝爲無謀哉

荆 將軍劉賈高祖從父弟爲將有功六年以故東陽
郡鄆郡吳郡

東陽今下邳鄆丹陽吳郡會稽也

五十三縣立賈爲荆王

十一年黥布反擊荆賈弗勝爲布所殺無後國除荆凡
六年

淮南 厲王長高祖少子十一年淮南王布反上擊滅
之乃立長爲淮南王文帝六年坐謀反廢死十二年上
分淮南故地立厲王三子以阜陵王安爲淮南王武帝
元狩元年坐謀反自殺國除爲九江郡淮南凡再傳長

二十二年安四十二年共六十四年

衡山後爲濟北安陽侯勃淮南厲王子文帝十二年分淮南

地以勃爲衡山王孝景三年吳楚反以書招勃勃不應

景帝嘉之徙爲濟北王立十四年薨諡貞王子式王胡

嗣五十四年薨子寬嗣十二年有罪自殺國除爲泰山

郡北安縣衡山凡三傳共八十年

廬江後爲衡山陽周侯賜淮南厲王子文帝十二年分淮南

地以賜爲廬江王後徙爲衡山王立三十三年坐謀反

自殺

趙 隱王如意高帝子九年立凡四年爲呂太后所殺

文獻通考

卷一百一十五

封建

三

亡後

共王恢高帝子十一年誅彭越立恢爲梁王立凡十

六年高后七年徙王趙其年自殺無後

幽王友高帝子十一年立爲淮陽王趙隱王如意死

孝惠元年徙王趙立十年幽死孝文卽位立幽王子

遂爲趙王立二十六年孝景時與吳楚謀反敗自殺

國除趙凡四王五十六年

河間 文帝二年以趙之河間郡立趙幽王次子辟疆

爲河間王立十三年薨諡文王子哀王福嗣一年薨無

子國除河間再傳凡十四年

燕 靈王建高帝子十一年燕王盧縮亡入匈奴明年
立建爲燕王立十五年薨呂后殺其子無後

琅琊

後爲燕

營陵侯劉澤高祖從祖昆弟也以擊陳豨有功

高后七年封爲琅琊王文帝元年徙澤爲燕王復以
琅琊歸齊二年薨諡敬王子康王嘉嗣九年薨子定國
嗣位四十二年有罪自殺國除凡三傳五十二年

文帝子孫爲王者凡七國

代

後爲梁

孝王武景帝同母弟孝文二年立爲代王十二

年徙爲淮陽王十三年徙爲梁王立三十五年薨景帝

分梁爲五國盡立孝王男五人爲王太子買嗣十年薨

文獻通考

卷稽塗

封建

十四

子平王襄嗣立四十年薨子頃王無傷嗣十一年薨子
敬王定國嗣四十年薨子夷王遂嗣六年薨子荒王嘉
嗣十五年薨子立嗣二十七年元始中坐與平帝外家
衛氏交通王莽奏廢爲庶人自殺國除梁凡八傳一百
八十四年

太原

後爲代

孝王參文帝諸姬子二年封太原王四年徙

爲代王并得太原都晉陽如故十七年薨子共王登立

二十九年薨子剛王義立元鼎中徙代王於清河四十

年薨子頃王湯立二十四年薨子牟立三年坐淫亂廢

爲庶人國除凡五傳一百一十三年元始二年封孝王

元孫之子如意爲廣宗王立七年王莽時絕

梁 懷王揖文帝少子二年封梁王立十年入朝墮馬
死無子國除

文帝十一年賈誼上疏曰陛下卽不定制如今之勢
不過一傳再傳諸侯猶且人恣而不制豪植而大強
漢法不得行矣陛下所以爲藩扞及皇太子之所恃
者唯淮陽代二國耳代北邊匈奴與強敵爲鄰能自
完則足矣而淮陽之比大諸侯僅如黑子之著面適
足以餌大國而不足以有禁禦方今制在陛下制國
而令子適足以爲餌豈可謂王哉臣之愚計願舉淮

文獻通考

卷一百一十五

封建

五

南地以益淮陽而爲梁王立後割淮陽北邊二三列
城與東郡以益梁不可者可徙代王而都睢陽梁起
於新鄴以北著之河淮陽包陳以南捷之江則大諸
侯之有異心者破膽而不敢謀梁足以扞齊趙淮陽
足以禁吳楚陛下高枕終無山東之憂矣此二世之
利也當今恬然適遇諸侯之皆少數歲之後陛下且
見之矣夫秦日夜苦心勞力以除六國之禍今陛下
力制天下頤指如意高拱以成六國之禍今陛下
苟身無事畜亂速禍孰視而不定萬年之後傳之老
母弱子將使不寧不可謂仁帝於是從誼計徙淮陽

王武爲梁王北界秦山西至高陽得大縣四十餘城
先公曰誼之意甚勤而謀甚忠矣雖然此不過以
親疏爲強弱耳疏者難防親者可倚固也然今日
之疏本前日之親今日之親又他日之疏也不以
德義相維而專以親戚相制豈得爲萬世之良策
乎親以寵偪則又如之何高皇帝立諸子一傳文
帝而高帝諸子已足爲文帝憂帝又專以大城名
都畀其子孫將不復爲後人憂乎

濟川 垣邑侯明梁孝王次子孝王薨景帝分梁立明
爲濟川王立七年有罪廢爲庶人國除

文獻通考

卷一百一十五

封建

五

濟東 彭離梁孝王子孝王薨分梁地王之立二十九
年有罪廢爲庶人國除

山陽 哀王定亦梁孝王子孝王薨分梁地王之立九
年薨無子國除

濟陰 哀王不識亦梁孝王子孝王薨分梁地王之立
二年薨無子國除

景帝子孫爲王者凡十七國

河閒 獻王德景帝子二年封立二十六年薨子共王
不害嗣四年薨子剛王堪嗣十二年薨子頃王授嗣十
七年薨子孝王慶嗣四十三年薨子元嗣十七年坐淫

亂殘賊廢國除成帝建治元年立元弟良爲河間王二十七年薨諡惠王子尙嗣王莽時絕凡八傳百六十年臨江哀王闕景帝子二年封立三年薨無子國除閔王榮景帝子前四年立爲皇太子四歲廢爲臨江王坐侵廟墮地自殺無子國除

魯恭王餘景帝子前二年封爲淮陽王吳楚反破後徙王魯立二十八年薨子安王光嗣四十年薨子孝王慶忌嗣三十七年薨子頃王勁嗣二十八年薨子文王駿嗣十八年薨無子國除哀帝建平三年立頃王子駿弟閔爲魯王王莽時絕凡六傳一百六十四年

文獻通考

卷一百一十五

封建

七

江都易王非景帝子以前二年立爲汝南國吳楚反討平之徙王江都治故吳國二十七年薨子建嗣六年坐淫亂殘酷不道自殺國除爲廣陵郡

膠西于王端景帝子以前三年封立四十七年薨無子國除爲膠西郡

趙敬肅王彭祖景帝子以前二年封廣川王趙王遂反破後徙王趙立六十三年薨子頃王昌嗣十九年薨子懷王尊嗣五年薨無子國絕二歲宣帝立尊弟高爲哀王數月薨子共王充嗣五十六年薨子隱嗣十九年王莽時絕凡六傳一百六十二年

平干今廣平武帝以親親故立趙敬肅王小子偃爲平干

王十一年薨是爲頃王子繆王元嗣二十五年薨有司

奏其罪國除凡再傳三十六年

中山 靖王勝景帝子以前三年封立四十三年薨子

哀王昌嗣一年薨子康王昆侈嗣二十一年薨子頃王

輔嗣四年薨子憲王福嗣十七年薨子懷王循嗣十五

年薨無子絕四十五歲成帝鴻嘉二年復立憲王弟孫

利鄉侯子雲客爲廣德夷王二年薨無子絕十四歲哀

帝復立雲客弟廣漢爲廣平王四年薨無後平帝元始

元年立廣川惠王曾孫倫爲廣德王奉靖王後立九年

文獻通考

卷一百一十六

封建

元

王莽時絕凡九傳一百一十六年

長沙 定王發景帝子前三年封二十八年薨子戴王

庸嗣二十七年薨子頃王鮒鮒嗣十七年薨子刺王建

德嗣三十四年薨子煬王旦嗣二年薨無子絕元帝初

元三年立旦弟宗是爲孝王五年薨子魯人嗣四十八

年王莽時絕凡七傳一百六十一年

廣川 惠王越景帝子以中二年封十三年薨子繆王

齊嗣四十四年薨子去嗣立三十二年坐殘酷廢自殺

國除後四歲宣帝復立去兄文二年薨子海陽嗣十五

年坐罪廢國除平帝元始二年復立戴王弟子瘡爲廣

德王奉惠王後二年薨子赤嗣七年王莽時絕凡七傳
一百零五年

膠東 康王寄景帝子中二年封立三十八年薨子哀
王賢嗣十五年薨子戴王通平嗣二十四年薨子頃王
音嗣五十四年薨子共王授嗣十四年薨子殷嗣二十
三年王莽時絕凡六傳一百五十八年

六安 膠東康王寄少子慶愛幸寄常欲立之寄薨上
憐之立慶為六安王王故衡山地

寄母王夫人即武帝母王太后之妹寄於

上最親立三十八年薨子夷王祿嗣十年薨子繆王定嗣

二十二年薨子頃王光嗣二十七年薨子育嗣三十三

文獻通考

卷一百一十五

封建

堯

年王莽時絕凡五傳一百三十年

清河 哀王乘景帝子中三年封立十二年薨無子國

除

常山 憲王舜景帝子中五年立三十二年薨子勃嗣

數月坐罪廢國除

眞定 頃王平常山憲王之子憲王薨太子坐罪廢天

子以憲王最親

母亦王夫人

閔其滅國乃以三萬戶封平為

眞定王立二十五年薨子烈王偃立十八年薨子孝王

由立二十二年薨子安王雍立二十六年薨子共王普

立十五年薨子陽立十六年王莽時絕凡六傳一百三

十三年

泗水 思王商亦常山憲王子與眞定王同時封立十二年薨子哀王安世立十年薨無子武帝立其弟賀是爲戴王立二十二年薨子勤王煖立三十九年薨子戾王駿立三十一年薨子靖立十九年王莽時絕凡六傳一百三十三年

武帝子孫王者凡六國

齊 懷王閔武帝子元狩六年封立八年薨無子國除
燕 刺王旦武帝子元狩六年封立三十七年坐謀反自殺國除

文獻通考

卷五

封建

三

廣陽 頃王建燕刺王旦太子旦反赦爲庶人宣帝卽位乃封建爲廣陽王立二十九年薨子穆王舜嗣二十一年薨子思王瓚嗣二十年薨子嘉嗣十二年王莽時絕凡四傳八十二年

廣陵 厲王胥武帝子元狩六年立六十四年坐詛祝上自殺國除後七年宣帝復立胥太子霸是爲孝王十三年薨子共王意嗣三年薨子哀王護嗣十六年薨無子絕成帝復立孝王子守是爲靖王立二十年薨子宏嗣三年王莽時絕凡六傳一百一十九年

高密 哀王弘廣陵厲王小子宣帝本始元年封爲高

密王八年薨子頌王章嗣三十四年薨子懷王寬嗣十一年薨子慎嗣二十九年王莽時絕凡四傳八十二年昌邑 哀王髡武帝子天漢四年立十一年薨子賀嗣十三年昭帝崩無嗣徵典喪卽皇帝位二十七日以淫亂廢歸故國賜湯沐千戶國除爲山陽郡凡再傳十四年

宣帝子爲王者凡四國

淮陽 憲王欽宣帝子元康三年封立三十六年薨子文王元嗣二十六年薨子續嗣九年王莽時絕凡三傳七十一年

文獻通考

卷禧五

封建

三

楚 孝王囂宣帝子甘露二年立爲定陶王三年徙王楚二十八年薨子懷王文嗣一年薨無子國絕成帝復立文弟平陸侯衍是爲思王二十一年薨子紆嗣十年王莽時絕凡四傳六十年

東平 思王宇宣帝子甘露二年封立三十三年薨子煬王雲嗣十六年坐息夫躬告祝詛廢自殺國除元始元年立雲子開明爲東平王三年薨無子復立開明兄信子匡爲東平王王莽居攝東郡太守翟義舉兵立信爲天子兵敗爲莽所滅凡四傳五十一年

中山 哀王竟宣弟子初元二年立爲清河王三年徙

中山立十三年薨無子國除

元帝子爲王者凡二國

定陶 共王康元帝子元光三年立爲濟陽王八年徙爲山陽王八年徙王定陶十九年薨子欣嗣十五年成帝徵爲皇太子成帝崩卽位是爲哀帝成帝立楚思王子景爲定陶王奉共王後哀帝追尊共王爲共皇置寢廟京師乃徙定陶王景爲信都王十三年王莽時絕凡三傳四十七年

中山 孝王興元帝子建昭二年封爲信都王十四年

徙中山三十年薨子衍嗣七年哀帝崩無子徵中山王

文獻通考

舊唐書

封建

三

衍入卽位是爲平帝立東平思王孫桃鄉頃侯子成都爲中山王奉孝王祀八年王莽時絕凡三傳四十五年漢諸侯王金璽蓋綬

諸侯王朝見天子漢法凡當四見始到入小見到正月朔旦奉皮薦璧玉賀正月法見後三日爲王置酒賜金錢財物後二日復入小見辭去凡留長安不過二十日小見者燕見於禁門內飲於省中非士人所得入也梁孝王西朝因留且半歲入與人主同輦出與同車示風以大言而實不與令出怨言謀畔逆乃隨而憂之不亦遠乎非大賢人不知退讓今漢之儀

法朝見賀正月者常一王與四侯俱朝見十餘歲一
至今梁王常比年入朝見久雷鄙語曰驕子不孝非
惡言也

右褚先生爲郎時聞於宮殿中老郎吏好事者之
語然足以見漢諸王朝見之典云

景帝中五年令諸侯王不得復治國天子爲置吏

武帝初卽位大臣懲吳楚七國行事議者多寃鼂錯
之策皆以諸侯連城數十秦強欲稍侵削數秦暴其
過惡諸侯王自以骨肉至親先帝所以廣封連城犬
牙相錯者爲磐石宗也今或無罪爲臣下所侵辱有

文獻通考

卷一百一十五

封建

三

司吹毛求疵笞服其臣使證其君多自以侵寃建元

三年代王登長沙王發中山王勝濟川王明來朝天

子置酒勝聞樂聲而泣問其故勝對曰臣聞悲者不

可爲繫歛思者不可爲歎息故高漸離擊筑易水之

上荆軻爲之低而不食雍門子壹微吟孟嘗君爲之

於邑今臣心結日久每聞幼眇之聲不知涕泣之橫

集也夫衆噓漂山聚蟲成雷朋黨執虎十夫撓權是

以文王拘於羨里孔子阨於陳蔡此乃烝庶之成風

增積之生害也臣身遠與寡莫爲之先衆口燦金積

毀銷骨叢輕折軸羽翮飛肉紛驚逢羅潛然出涕臣

聞白日曬光幽隱皆照明月耀夜蟲蟲宵見然雲烝
列布杳冥晝昏塵埃拂覆昧不見泰山何則物有蔽
之也今臣雍闕不得聞讒言之徒蜂生道遼路遠會
莫爲臣聞臣竊自悲也臣聞社鷄不灌屋鼠不熏何
則所託者然也臣雖薄也得蒙肺腑位雖卑也得爲
東藩屬又稱兄今羣臣非有葭莩之親鴻毛之重羣
居黨議朋友相爲使夫宗室擯卻骨肉永釋斯伯奇
所以流離比干所以橫分也詩云我心憂傷惄焉如
擣假寐永歎惟憂用老心之憂矣疾如疾首臣之謂
也具以吏所侵聞於是上乃厚諸侯之禮省有司所
屬漢郡漢有厚恩而諸侯稍自分析弱小云

文獻通考

卷之三

封建

三

奏諸侯事加親親之恩焉其後更爲主父偃謀令諸
侯以私恩自裂地分其子弟而漢爲定制封號輒別

班固諸侯王表序曰漢興之初海內新定同姓寡
少懲戒亡秦孤立之敗於是剖裂疆宇二等之爵

項羽曰漢封功臣
大者王小者侯也功臣侯者百有餘邑尊王子弟

大啓九國師古曰九國
之數在下也自鴈門以東盡遼陽爲燕

代師古曰遼陽
遼水之陽也常山以南大行左轉渡河濟漸於

海爲齊趙師古曰大行山名也左轉亦謂自大行
而東也漸入也一日浸也行音胡郎反

漸音子廉反穀泗以往奄有龜蒙爲梁楚晉灼曰
水經云

泗水出魯卞縣臣瓚曰穀在彭城泗之下東帶江

湖薄會稽為荆吳文穎曰卽今吳也高帝六年為荆國十年更名吳師古曰荆吳

同是一北界淮瀕略廬衡為淮南師古曰瀕水涯也音頻又音賓

廬衡也波漢之陽巨九嶷為長沙鄭氏曰波音破澤之破孟康曰

巨竟也音古贈反師古曰波漢之陽者循漢水之

往也水北曰陽波音彼皮反又音彼幾反九嶷山

名有九峯在零陵營道嶷音疑諸侯比境周匝三垂外接胡越師古曰比謂相接次也三垂謂

北東南也比音頻寐反天子自有三河東郡潁

川南陽師古曰三河河東河南河內也自江陵以西至巴蜀北自

雲中至隴西與京師內史凡十五郡公主列侯頗

邑其中師古曰十五郡中又往往有列侯公主之邑而藩國大者夸州

文獻通考

卷一百一十五

封建

五

兼郡連城數十師古曰夸音跨宮室百官同制京師可謂

橋枉過其正矣師古橋與矯同枉曲也正曲曰矯言矯秦孤立之敗而大封子弟過

於強盛有失中也雖然高祖創業日不暇給孝惠享國又

淺高后女主攝位而海內晏如師古曰晏如安然也亡狂狡

之憂卒折諸呂之難成太宗之業者亦賴之於諸

侯也然諸侯原本以大末流濫以致溢小者淫荒

越法大者睽孤橫逆以害身喪國師古曰易睽卦九四爻辭曰睽

孤見豕負塗睽孤乖刺之意故文帝采賈生之議分齊趙景帝

用鼂錯之計削吳楚武帝施主父之策下推恩之

令使諸侯王得分戶邑以封子弟不行黜陟而藩

國自析自此以來齊分爲七師古曰謂齊城陽濟北濟南淄川膠西膠

東是趙分爲六師古曰謂趙平原真定中山廣川河間也梁分爲五師

日謂梁濟川濟淮南分爲三師古謂淮南東山陽濟陰也衛山廬江皇子始

立者大國不過十餘城長沙燕代雖有舊名皆亡

南北邊矣如淳曰長沙之南更置郡燕代以北更置緣邊郡其所有饒利兵馬器械三國

皆失景遭七國之難抑損諸侯滅黜其官師古曰謂改丞

相日相省御史大夫廷尉少府宗正博士損大夫謁者諸官長丞員等也武有衡山淮

南之謀作左官之律服虔曰仕於諸侯爲左官絕不得使仕於王朝也應劭曰

人道左右今舍天子而仕諸侯故謂之左官也師古曰左官猶言左道也皆僻左不正應說是也漢

時依上古法朝廷之列以右爲尊故爲降秩爲左遷仕諸侯爲左官也設附益之法

文獻通考

卷一百一十五

封建

五

張晏曰律鄭氏說封諸侯過限日附益或曰阿媚

王侯有重法也師古曰附益者蓋取孔子云求也爲之聚斂而附益之之義也諸侯惟得衣食租稅

皆背正法而厚於私家也不與政事至於哀平之際皆繼體苗裔親屬疏遠

師古曰言非始封之君皆其後裔也故於天子益疏遠矣生於帷牆之中不爲

士民所尊勢與富室亡異而本朝短世國統三絕

師古曰謂成哀平皆早嫺又無繼嗣是故王莽知漢中外殫微本末

俱弱師古曰殫盡也音單亡所忌憚生其姦心因母后之權

假伊周之稱顛作威福廟堂之上不降階序而運

天下師古曰序謂東西廂詐謀既成遂據南面之尊分遣五

威之吏馳傳天下班行符命漢諸侯王厥角稽首

應劭曰厥者頓也角者頓角也稽首至地也言王莽漸漬威福日久亦直漢之羸弱王侯見莽篡弑莫敢怨望皆頓角稽首至地而上其璽綬也晉灼曰厥猶豎也叩頭則頓首豎師古曰應說是也

奉上璽芾惟恐在後師古曰芾音弗璽之組也或乃稱美頌德

以求容媚豈不哀哉是以究其終始強弱之變明

監戒焉

漢興設爵二等曰王曰侯皇子而封為王者其實古諸侯也故謂之諸侯王子封為侯者謂之諸侯羣臣異姓以功封之謂之徹侯大者不過萬家小者五六百戶以為差降古分土而無分民自漢始分民而諸王國皆連城數十逾於古制其諸侯功德優盛朝廷所敬異有

文獻通考

卷一百一十五

封建

七

賜特進者其位在三公下其次列侯有功德天子命為諸侯者謂之朝侯其位次九卿下皆平冕文衣侍祠郊廟其稱侍祠侯者但侍祠而無朝位其非朝侯侍祠而以下土小民或以肺腑宿親若公主子孫或奉先侯墳墓在京師者亦隨時見會謂之猥諸侯凡諸王侯皆金璽蓋綬古者印璽通名今則尊卑有別漢舊儀云諸侯王金印黃金索駝鈕文曰璽謂刻曰某王之璽赤地綬列侯黃金印龜鈕文曰某侯之印紫綬掌治其國王常冠遠游冠綬五采而多朱自稱曰寡人教曰令凡諸侯王官其傅為太傅相為丞相又有御史大夫諸卿皆秩二千石百官皆如漢朝漢朝惟為置丞相其御史大夫以下皆自置之

及七國作亂之後景帝懲之遂令諸侯王不得治民令內史治之改丞相曰相省御史大夫廷尉少府宗正博士官武帝改漢內史中尉郎中令之名內史爲京兆尹中尉爲執金吾郎中令爲光祿勳而王國如故員職皆不得自置又令諸王得推恩封子弟爲列侯於是齊分爲七趙分爲六梁分爲五淮南分爲三又令諸侯十月獻酎金不如法者國除其縣邑皆別屬他郡千戶置家丞不欲者聽之作左官

之律附益之法自後諸侯王唯得衣食租稅至成帝綏和元年省內史更令相治民大司空何武奏罷內史相如太守中尉如都尉參職是後中尉爭權與王相奏常不和太傅但曰傅史記梁孝王景帝母弟竇太后少子築東苑方

文獻通考卷一百一十五封建三論功封列侯者凡百四十有三人蕭何爲冠外戚與定天下者二人凡列侯金印紫綬大者食縣小者食鄉亭得臣

所食吏民凡皇帝之女爲公主皆列侯尚之周制王姬下嫁於諸侯以同姓諸侯主之公者諸侯之尊稱故謂之公主後漢荀爽上疏曰漢京秦法設尚主之儀以妻制夫以卑

臨尊者宜改尚主之性王國有傅掌輔導王初曰太傅誼爲梁懷王太傅王墮馬死無後賈相主統衆官後省生自傷爲傅無狀哭泣歲餘亦死相內史而相理民如郡太守史記曰曹參相齊聞膠西有蓋公善治著黃

老言乃厚請之蓋公曰治道貴清淨清淨民自定參用其術齊國安集及入爲漢相屬其後相曰以齊獄市爲

寄慎勿擾也夫獄市者所并容也今若擾之姦人安所

容乎吾是以先之也又曰石慶為齊相舉國皆
慕其家行不言而齊國大治為立石相社也
內史治
民中尉掌武郎中令秩千石僕本曰太僕改文學宋志云前

漢王國已置文學大司農衛士長太倉長齊善醫淳列侯國亦

有相按史記周勃破燕王盧縮得相國一人丞相兼有相國

景帝省之餘略與王國同公主有公令門尉其有賜重封者

張晏曰重封益祿也臣瓚曰增封顏師古曰重封謂加二號耳成帝鴻嘉三年詔七大

夫以上皆令食邑秦本制列侯乃得食非七大夫以下

皆復其身及戶勿事一戶之內是歲又令吏民得買爵

賈級千錢

文獻通考

卷一百一十五

封建

完

文獻通考卷二百六十五終

文獻通考卷第二百六十六

鄗陽馬端臨貴與著

封建考七

西漢王子侯

高祖兄及兒子侯者三人

頤羹侯信帝兄子七年封立十三年有罪削爵一級為

關內侯

合陽侯喜帝兄為代王匈奴攻代棄國廢為侯六年封

七年薨 漚後封吳王

德哀侯廣帝兄子十二年封 通 訖 何坐酎金免

文獻通考

卷一百六十六

封建

一

楚元王子侯者六人 郢客禮二人嗣封王已見前

休侯富景帝時封 登 嘉 章亡後國除

沈猷侯茂景帝時封 受坐為宗正有罪免

宛胸侯執景帝時封三年反誅

棘樂侯調景帝時封 應 慶坐酎金免

齊悼惠王子侯者十二人 章興居將聞辟光志印賢雄渠八人封王見前

管共侯罷軍 罷音皮 孝文時封 戎奴坐反誅

氏邱侯甯國孝文時封 偃坐反誅

營平侯信都孝文時封 廣坐反誅

楊邱侯安孝文時封 偃坐出國界削為司寇

淮南厲王子侯者四人 安敦賜三人後爲王見前

東城侯良孝文時封無子國除

梁孝王子侯者二人

乘氏侯買 桓邑侯明俱景帝時封後爲王見前

河閭獻王子侯者十六人

旁光侯殷武帝時封坐罪免

茲侯明武帝時封坐殺人自殺國除

距陽侯句武帝時封 淒坐酎金免

萋侯退武帝時封 嬰 益壽 充世 遺亡後國除

阿武侯豫武帝時封 宣 信 嬰齊 黃 長久王

文獻通考 卷一百一十五 封建 二

莽時絕

參戶侯免武帝時封 嚴 元 利親 度

州鄉侯禁武帝時封 齊 惠 商 伯 禹王莽時

絕

平成侯禮武帝時封坐罪免

廣侯順武帝時封坐酎金免

蓋侯讓武帝時封坐酎金免

重侯檐武帝時封坐罪免

沈陽侯自爲不得封年

景成侯雍宣帝時封 歐 禹 福

平隄侯昭宣帝時封 榮 曾世 育 乃始

樂鄉侯終宣帝時封 蒯 鄧 勝 地緒

高郭侯曠宣帝時封 久長 菲 稱 霸亡後

長沙定王子侯者凡十五人

安城侯蒼武帝時封 自當 壽光坐罪廢

宜春侯成武帝時封坐酎金免

句容侯黨武帝時封亡後

容陵侯福武帝時封坐酎金免

路陵侯童武帝時封坐殺人自殺

攸輿侯則武帝時封坐篡死罪囚棄市

文獻通考 卷一百一十五

封建

三

椽陵侯訢武帝時封 湯亡後

建成侯拾武帝時封坐罪免

安衆侯丹武帝時封 山柎 母妨 褒 欵 崇王

莽時舉兵為莽所害

寵建武二年紹封 松

葉平侯喜武帝時封坐酎金免

夫夷侯義武帝時封 禹 奉宗 慶 福 商王莽

時絕

春陵侯買武帝時封 熊渠 仁 敞 社建武二年

立為城陽王

都梁侯定武帝時封 侯 弘 順懷 容 侘人王
莽時絕

洮陽侯狩燕武帝時封亡後

衆陵侯賢武帝時封 眞定 慶 骨王莽時絕

楚安王子侯者凡二人

浮邱侯不害武帝時封坐酎金免

杏山侯成武帝時封坐酎金免

魯共王子侯者凡六人

廣戚侯將武帝時封坐酎金免

寧陽侯恬武帝時封 慶忌 信 扈 方

文獻通考

卷一百一

封建

四

瑕邱侯政武帝時封 國 湯 奉義 遂成 禹

公邱侯順武帝時封 置 延壽 賞 元王莽時絕

郁根侯驕武帝時封坐酎金免

西昌侯敬武帝時封坐酎金免

江都易王子侯者凡五人

丹陽侯敢武帝時封亡後

盱眙侯蒙之武帝時封坐酎金免

胡孰侯胥行武帝時封 聖犯罪免

秣陵侯纒武帝時封亡後

淮陵侯定國武帝時封坐酎金免

梁共王子侯者凡一人

張梁侯仁武帝時封 順為匈奴所殺

菑川懿王子侯者凡十三人

龍邱侯代武帝時封坐酎金免

劇原侯錯武帝時封 廣昌 貴 吉翳 勝容

懷昌侯高遂武帝時封 延年 勝時 可置

平望侯賞武帝時封 楚人 光 起 始 旦

臨衆侯始昌武帝時封 革生 廣平 農 理 賢

商王莽時絕

葛魁侯寬武帝時封 戚坐縛家吏恐獨受昧棄市

文獻通考 卷一百一十五 封建

益都侯胡武帝時封 廣 嘉坐非廣子免

平的侯强武帝時封 中時 福 鼻 利親 宣

劇魁侯黑武帝時封 招 德 利親 嬰 向

壽梁侯守武帝時封坐酎金免

平度侯行武帝時封 慶忌 帥軍 欽 宗 嘉

宜城侯偃武帝時封 福坐殺弟棄市

臨胸侯奴武帝時封 乘 質 信 禕 岑

城陽共王子侯者凡十三人

雷侯豨武帝時封坐酎金免

東莞侯吉武帝時封坐病不任朝免

辟土侯壯武帝時封 明坐酎金免

利鄉侯嬰武帝時封有罪免

有利侯釘武帝時封坐罪誅

東平侯慶武帝時封坐姦廢

運平侯記武帝時封坐酎金免

山州侯齒武帝時封坐酎金免

海常侯福武帝時封坐酎金免

騶邱侯寬武帝時封 報德 毋害坐罪誅

南城侯貞武帝時封 猛 尊 充國 遂 友王莽

時絕

文獻通考

卷一百一十五

封建

六

廣陵侯裘武帝時封 成坐酎金免

杜原侯臯武帝時封坐酎金免

趙敬肅王子侯者凡二十四人

尉侯丙武帝時封 犢坐酎金免

封斯侯胡傷武帝時封 如意 宮 仁

榆邱侯受福武帝時封坐酎金免

襄侯建武帝時封坐酎金免

邯鄲侯仁武帝時封 慧 賀 張 康 重 蒼

朝節侯義武帝時封 祿 固城坐酎金免

東城侯遺武帝時封為妾所殺亡後

陰城侯蒼武帝時封嗣子有罪不得立

邯平侯順武帝時封坐酎金免

武始侯昌武帝時封三十四年嗣為趙王

烏氏侯賀武帝時封 安意 千秋 漢強 鄠

易安侯平武帝時封 種 德坐殺人免

柏暢侯終古武帝時封 朱亡後

猷安侯延年武帝時封坐酎金免

漳北侯寬武帝時封為匈奴所殺

南嶽侯佗武帝時封坐酎金免

南陵侯慶武帝時封坐為沛郡太守有罪下獄死

文獻通考 卷一百一十五 禮考 封建

鄠侯舟武帝時封坐祝詛誅

安檀侯福武帝時封坐為常山太守祝詛死

爰戚侯當武帝時封坐謀反自殺

栗節侯樂武帝時封 忠 終根 況

浚夷侯周舍武帝時封 惠 迺始 勳 承

獠侯起武帝時封 充國 廣明 固 鉅鹿

擲斐侯道武帝時封 尊 章 景 發

中山靖王子侯者凡二十人

廣望侯忠武帝時封 中 何齊 遂 閣

將梁侯朝平武帝時封坐酎金免

薪館侯未央武帝時封坐酎金免

陸城侯貞武帝時封坐酎金免

薪處侯嘉武帝時封坐酎金免

陸城侯義武帝時封坐酎金免

臨樂侯光武帝時封 建 固 萬年 廣都王莽時

絕

東野侯章武帝時封 中時亡後

高平侯喜武帝時封坐酎金免

廣川侯頗武帝時封坐酎金免

東邱侯將夜武帝時封 德 外人坐罪死

文獻通考

卷一百一十五

封建

八

高邱侯破胡武帝時封亡後

柳宿侯蓋武帝時封 蘇坐酎金免

戎邱侯讓武帝時封坐酎金免

樊輿侯修武帝時封 過倫 異衆 土生 自予王

莽時絕

曲成侯萬歲武帝時封坐酎金免

安郭侯傳富武帝時封 偃 崇坐罪死

安儉侯應武帝時封坐酎金免

安道侯恢武帝時封坐酎金免

澎侯屈釐武帝時封爲丞相坐祝詛要斬

廣川惠王子侯者六人

浦領侯嘉武帝時封有罪絕

西熊侯明武帝時封亡後

棗強侯晏武帝時封亡後

畢梁侯嬰武帝時封坐罪免

參敵侯則武帝時封坐酎金免

沂陵侯喜武帝時封坐酎金免

濟北貞王子侯者六人

陰安侯不害武帝時封 秦客亡後

營關侯騫武帝時封坐罪免

文獻通考 卷一百一十五 封建 九

庸望侯何武帝時封 當時坐酎金免

陪侯則武帝時封 邑

前侯信武帝時封坐酎金免

安陽侯樂武帝時封 延年 記 戚 得亡後

濟北式王子侯者五人

五據侯曜邱武帝時封坐酎金免

富侯龍武帝時封坐罪免

平侯遂武帝時封坐罪免 羽康侯成武帝時封 繫 棄王莽時絕

胡母侯楚武帝時封坐酎金免

代共王子侯者凡九人

離石侯綰武帝時封坐罪免

邵侯順武帝時封坐殺人免

利昌侯嘉武帝時封 樂 萬世 光祿 殷 煥王

莽時絕

藺侯罷軍武帝時封坐罪免

臨河侯賢武帝時封坐酎金免

温成侯忠武帝時封亡後

土軍侯郢武帝時封坐酎金免

臯琅侯遷武帝時封亡後

文獻通考

卷一百一十五

封建

十

千章侯遇武帝時封坐酎金免

齊孝王子侯者十一人

博陽侯就武帝時封 終古坐酎金免

陂陽侯燕武帝時封 偃 壽 定 閔 廣王莽時

絕

定侯越武帝時封 德 福 湯 乘王莽時絕

稻侯定武帝時封 陽都 咸 閱 永王莽時絕

山原侯國武帝時封 乘 守 發 外人

繁安侯忠武帝時封 守 壽漢 嘉 光 起

柳侯陽已武帝時封 罷師 自為 樵 軻 守

雲侯信武帝時封 茂發 遂 終古 得之王莽時

絕

牟平侯濼武帝時封 奴 更生 建 齟 威 隆

王莽時絕

柴侯代武帝時封 勝之 賢 齊 莫如亡後

高樂康侯 史失其名 武帝時封亡後

衡山賜王子侯者一人

終弋侯廣置武帝時封坐酎金免

城陽頃王子侯者二十人

麥侯昌武帝時封坐酎金免

文獻通考 卷一百一十五 封建

十一

鉅合侯發武帝時封坐酎金免

冒侯羌武帝時封坐酎金免

曹侯方武帝時封坐酎金免

庾菽侯澤武帝時封 舞 閣

原洛侯敢武帝時封坐殺人棄市

挾術侯昆景武帝時封亡後

挾侯霸武帝時封 威 賢 思 泉亡後

劫侯讓武帝時封 興

文成侯光武帝時封坐酎金免

校清侯雲武帝時封坐酎金免

庸侯餘武帝時封有罪死

翟侯壽武帝時封坐酎金免

鯁侯應武帝時封坐酎金免

彭侯強武帝時封坐酎金免

瓠侯息武帝時封 守

虛水侯禹武帝時封 爵 敞王莽時絕

東淮侯類武帝時封坐酎金免

拘侯賢武帝時封坐酎金免

涪侯不疑武帝時封坐酎金免

菑川靖王子侯者四人

文獻通考

卷一百一十五

封建

三

陸侯何武帝時封

賈

延壽

坐罪死

廣饒侯國武帝時封

坊

麟

瓶侯成武帝時封

龍

融

閔王莽時絕

俞閭侯毋害武帝時封

況

隣亡後

廣川繆王子侯者九人

甘井侯光武帝時封坐殺人棄市

襄隄侯聖武帝時封坐酎金斤八兩少四兩免

新市侯吉昭帝時封

義 欽

東襄侯寬宣帝時封

使親亡後

樂信侯強宣帝時封

何

賀

涉

昌成侯元宣帝時封 齒 應 江亡後

歷鄉侯必勝宣帝時封 長壽 宮 東之

武陶侯朝宣帝時封 弘 勳 京

桃侯良元帝時封 敞 狗

膠東康王子侯者三人

臯虞侯建武帝時封 定 哀 勳 顯 樂王莽時

絕

魏其侯昌武帝時封 傅光 禹 蟠 嘉王莽時絕

祝茲侯延年武帝時封坐棄印綬出國免

六安共王子侯者一人

文獻通考 卷一百一十五 封建 三

松茲侯霸昭帝時封 始 縵 均王莽時絕

膠東哀王子侯者一人

溫水侯安國昭帝時封坐上書妖言免

魯安王子侯者三人

蘭旗侯臨朝昭帝時封 去疾 嘉 位

容邱侯方山昭帝時封 未央 昭

良成侯文德昭帝時封 舜 原 元 閔

清河剛王子侯者七人

蒲領侯祿昭帝時封 推 不識 京

南曲侯遷昭帝時封 江 尊

修市侯寅宣帝時封 千秋 元 雲

東昌侯成宣帝時封 親 霸 祖

新鄉侯豹宣帝時封 步可 尊

修故侯福宣帝時封坐匿羣盜棄市

東陽侯弘宣帝時封 縱 迺始 封親 伯造

長少頃王子侯者四人

高城侯梁昭帝時封 景 諸士 馮

復陽侯延年宣帝時封 漢 道

鍾武侯度宣帝時封 宣 霸 則

高城侯梁宣帝時封 景 諸士 馮

文獻通考 卷一百一十五 封建 四

中山康王子侯者二人

成侯喜昭帝時封 得疵 備 貴

宣慮侯章宣帝時封 衆

城陽慧王子侯者二人

江陽侯仁昭帝時封坐罪免

高鄉侯休宣帝時封 興 革如

廣陵厲王子侯者三人

朝陽侯聖宣帝時封 廣德 安闕

平曲侯曾宣帝時封 臨 農

南利侯昌宣帝時封坐賊殺人免

燕刺王子侯者二人

安定侯賢宣帝時封 延年 昱

新昌侯慶宣帝時封 稱 未央

趙頃王子侯者四人

邯葺侯偃宣帝時封 勝 度 定

樂陽侯說宣帝時封 宗 崇 鎮

桑中侯廣漢宣帝時封 縱 敬 戾 舜

張侯嵩宣帝時封坐罪廢

膠東戴王子侯者四人

樂望侯光宣帝時封 林 起

文獻通考 卷一百一十五 封建

成康侯饒宣帝時封 新

柳泉侯强宣帝時封 建 萬年 永昌

新利侯偃宣帝時封坐罪免

六安夷王子侯者一人

宣陽侯賜宣帝時封坐罪免

平干頃王子侯者九人

曲梁侯敬宣帝時封 時光 瓠 辯

廣鄉侯明宣帝時封 安 周齊 充國

成鄉侯慶宣帝時封 霸 果

平利侯世宣帝時封 嘉 禹 旦

平陽侯壬宣帝時封

成

陽

平纂侯梁宣帝時封亡後

成陵侯充宣帝時封坐罪免

陽成侯田宣帝時封賢說報

祚陽侯仁宣帝時封坐罪免

眞定列王子侯者一人

遼鄉侯宣宣帝時封亡後

廣川戴王子侯者一人

西梁侯關兵宣帝時封廣官敝

河間孝王子侯者六人

文獻通考

卷一百一十五

封建

六

陽興侯昌宣帝時封坐罪誅

廣昌侯賀成帝時封

都安侯普成帝時封晉

樂平侯永成帝時封

宜禾侯得哀帝時封恢

富春侯元哀帝時封

中山頃王子侯者一人

和陽侯安宣帝時封遂固

魯孝王子侯者八人

昌盧侯弘宣帝時封奉世蓋

平邑侯敞宣帝時封坐殺人棄市

山鄉侯綰宣帝時封 邱

建陵侯遂宣帝時封 魯 連文

合陽侯平宣帝時封 安上

東安侯强宣帝時封 拔

承鄉侯當宣帝時封坐罪免

建陽侯咸宣帝時封 霸 竝

城陽荒王子侯者十四人

茲鄉侯弘宣帝時封 昌 應 宇

籍鄉侯顯宣帝時封坐罪免

文獻通考 卷一百一十五 封建

都平侯邱宣帝時封 訢 堪

橐原侯山宣帝時封 芻 妄得

箕侯文宣帝時封 隣 褒

高廣侯勳宣帝時封 賀 福 吳

卽來侯俊宣帝時封 欽

庸釐侯談元帝時封 端坐罪免

昆山侯光元帝時封 儀

折泉侯根元帝時封 詡

博石侯淵元帝時封 獲

要安侯勝元帝時封 守

房山侯勇元帝時封

式侯憲元帝時封霸萌

高密哀王子侯者一人

膠鄉侯漢元帝時封 成

長沙孝王子侯者三人

安平侯習元帝時封 嘉

陽山侯宗元帝時封 買奴

湘鄉侯昌哀帝時封

廣陽頃王子侯者四人

臨鄉侯雲元帝時封 交

文獻通考

卷一百一十五

封建

西鄉侯容元帝時封 景

陽鄉侯發元帝時封 慶

益昌侯嬰元帝時封 政 福

膠東頃王子侯者十人

羊石侯回元帝時封 成 順

石鄉侯理元帝時封 建國

新城侯根元帝時封 霸

上鄉侯欽元帝時封

昌鄉侯憲元帝時封坐罪免

頃陽侯共成帝時封

樂陽侯獲成帝時封

平城侯邑成帝時封

珍理

密鄉侯林成帝時封

欽敞

樂都侯訢成帝時封

臨延年

泗水勤王子侯者二人

子鄉侯定元帝時封

聖

就鄉侯璋侯帝時封亡後

城陽戴王子侯者四人

石山侯元元帝時封

嘉

都陽侯音元帝時封

閔

文獻通考

卷一百一十五

封建

參封侯嗣元帝時封

殷

伊鄉侯遷元帝時封亡後

梁敬王子侯者十四人

貫鄉侯平元帝時封病狂自殺

樂侯義元帝時封坐罪免

中鄉侯延年元帝時封

鄭侯罷軍元帝時封

駿良

黃侯順元帝時封

申亡後

平樂侯遷元帝時封

寶

菑鄉侯就元帝時封

逢喜

東鄉侯方元帝時封 護

陵鄉侯訢元帝時封坐罪免

溧陽侯欽元帝時封 畢

釐鄉侯固元帝時封

高柴侯發元帝時封 賢人隱

臨都侯未央元帝時封 息

高侯舜元帝時封 始 便翁

菑川孝王子侯者四人

北鄉侯譚元帝時封

廣侯便元帝時封 護 字

文獻通考 卷一百一十五 封建

平侯服元帝時封 嘉

臺鄉侯畛元帝時封

廣陵孝王子侯者二人

蘭陵侯宜元帝時封 譚 便强

廣平侯德元帝時封

六安繆王子侯者一人

博鄉侯交元帝時封 就

趙哀王子侯者二人

柏鄉侯買元帝時封 雲 譚

安鄉侯喜元帝時封 胡 合衆

高密頃王子侯者六人

卑梁侯都成帝時封

膠東侯佺成帝時封

武鄉侯慶成帝時封 勁

成鄉侯安成帝時封 德

麗茲侯賜成帝時封 放

安邱侯常成帝時封

楚孝王子侯者二人

廣戚侯勳成帝時封 顯 嬰居攝元年為孺子王莽

篡位為定安公莽敗死

文獻通考 卷一百一十五 封建

陰平侯回成帝時封 詩

淮陽憲王子侯者一人孫侯者三人

樂平侯訢成帝時封坐狂易免

外黃侯圍成帝時封

高陽侯竝成帝時封

平陸侯寵成帝時封

魯頃王子侯者三人

郡鄉侯閔成帝時封 延

建鄉侯康成帝時封 自當

新陽侯承成帝時封 級

東平思王子侯者五人孫侯者十七人

栗鄉侯護成帝時封 元成

桑邱侯頃成帝時封

桃鄉侯宣成帝時封 立

富陽侯萌成帝時封

西陽侯竝成帝時封 偃

金鄉侯不害成帝時封

平通侯旦成帝時封

西安侯漢成帝時封

湖鄉侯開成帝時封

文獻通考

卷一百一十五

封建

三

重鄉侯少伯成帝時封

陽興侯寄生成帝時封

陵陽侯嘉成帝時封

高樂侯修成帝時封

平邑侯閔成帝時封

平纂侯況成帝時封

合昌侯輔成帝時封

伊鄉侯開成帝時封

就鄉侯不害成帝時封

膠鄉侯武成帝時封

宜鄉侯恢成帝時封

昌城侯豐成帝時封

樂安侯禹成帝時時

膠東共王子侯者四人

陵石侯慶成帝時封

臨安侯閔成帝時封

徐鄉侯映成帝時封王莽建國元年坐舉兵欲誅莽死

堂鄉侯恢成帝時封亡後

梁夷王子侯者一人

祁鄉侯賢成帝時封富

文獻通考

卷一百一十五

封建

三

梁荒王子侯者一人

曲鄉侯鳳成帝時封

城陽孝王子侯者一人

桃山侯欽成帝時封

泗水戾王子侯者一人

昌陽侯霸成帝時封

趙共王子侯者五人

安國侯吉成帝時封

梁鄉侯交成帝時封

襄鄉侯福成帝時封

章

容鄉侯强成帝時封 弘

緡鄉侯固成帝時封

廣陽思王子侯者三人

方鄉侯常得成帝時封

廣成侯捷平帝時封

當陽侯益平帝時封

六安頃王子侯者一人

庸鄉侯宰成帝時封

河閒惠王子侯者一人

南昌侯宇哀帝時封

文獻通考

卷一百一十五

封建

十四

東平煬王子侯者七人

巖鄉侯信哀帝時封後坐罪免王莽時翟義舉兵立信

為天子兵敗死

武平侯璜哀帝時封坐罪免翟義舉兵敗死

陶鄉侯恢平帝時封

釐鄉侯襄平帝時封

昌鄉侯且平帝時封

新鄉侯鯁平帝時封

春城侯允平帝時封

禁思王子侯者十八人

陵鄉侯曾哀帝時封後坐舉兵欲誅王莽死
武受侯慢哀帝時封坐罪免

郿鄉侯光平帝時封

新城侯武平帝時封

宜陵侯置平帝時封

堂鄉侯護平帝時封

成陵侯由平帝時封

成陽侯衆平帝時封

復昌侯休平帝時封

安陸侯平平帝時封

文獻通考

卷一百一十五

封建

三十五

梧安侯譽平帝時封

朝鄉侯充平帝時封

扶鄉侯普平帝時封

呂鄉侯尙平帝時封

李鄉侯殷平帝時封

宛鄉侯隆平帝時封

壽泉侯承平帝時封

杏山侯遵平帝時封

廣陵繆王子侯者二人

方樂侯嘉哀帝時封

方城侯宣平帝時封

河間孝王子侯者二人

宜禾侯得哀帝時封

當春侯賢哀帝時封

長沙刺王子侯者二人

昭陽侯賞平帝時封

承陽侯景平帝時封

眞定共王子侯者一人

信昌侯廣平帝時封

武帝元朔二年主父偃說上曰古者諸侯地不過百

文通獻考

卷信矣

封建

三

里強弱之形易制今諸侯或連城數十地方千里緩則驕奢易爲淫亂急則阻其強而合從以逆京師今以法制削則逆節萌起前日鼂錯是也今諸侯子弟或十數而嫡嗣代立餘雖骨肉無尺地之封則仁孝之道不宜願陛下令諸侯得推恩分子弟以地侯之彼人人喜得所願上以德施實分其國必稍自銷弱矣於是上從其計乃制詔御史諸侯王或欲推私恩分子弟邑者令各條上朕且臨定其號名自是支庶畢侯矣

先公曰主父偃之說卽賈誼衆建諸侯之遺意也

然衆建則自上令而行之爲儉爲吝推恩則本下
情而行之爲恕爲仁且其事勢之難易德意之廣
狹居然不同豈可以人廢言哉

班固表序曰孝元之世亡王子侯者盛義終始豈
非命哉元始之際王莽攝朝僞褒宗室侯及王之
孫焉師古曰王之孫亦得封侯
謂承鄉侯閼以下是也居攝而愈多非其
正故弗錄旋踵亦絕悲矣

文獻通考

卷一百一十五

封建

三



文獻通考卷二百六十六終

07543



